



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

Titulus XIV. De Dolo, & Contumacia.

[urn:nbn:de:hbz:466:1-74990](#)

men, quod et si non inhabilem omnino reddat ad possidendum, privat tamen proprietate, & titulo; tunc enim, si ipso facto, eoque notorio privationem inducit, ut est Simonia in ingressu ad Beneficium, opponi eidem potest exceptio criminis, nec restitu spoliatus debet, cum eidem obstat defectus notorius proprietatis. Dixi, si ipso facto; nam si ob tale crimen privari beneficio meatur solùm per sententiam Judicis, per talis criminis exceptionem non suspendorit, aut impeditur restitutio spoliati. Potest tamen eo casu Judex, antequam restituat, ob illud crimen, si hoc notorium sit, eum privare Beneficio per sententiam, ut l. cit. advertit Laym. n. 3. & patet ex ratione; quia frusta ei restitueretur Beneficium, quod statim ipsi iterum adiendum esset.

§ 2. Quæritur 5. an restitutio impeditur reconventione super alicius rei proprietate, exceptione compensationis objecta

à spoliatore, vel appellatione? **n. Ad 1.** negative. Patet ex c. fin. de ord. cognit. Ratio est, quia adversus spoliatorem proposita restitutionis petitio privilegiata est, ut ante omnia facienda sit restitutio, & antequam hæc facta sit, spoliator super Jure suo non audiatur, ut dictum est **n. 23. suprà.**

Ad 2. iterum respondeatur negative. Patet ex l. fin. §. fin. C. de compensat. Ratio est, quia compensatio est quædam mutua petitio, sive reconventio, quæ, quando Interdicto recuperandæ agitur, nisi de spolio etiam ipsa sit, non admittitur, ut dictum est paulò ante.

Ad 3. spectando Jus Civile l. un. C. si de momentan. possess. iterum respondendum est negativè saltem quoad effectum suspensivum. Quid Jure Canonico circa hunc effectum statuendum sit, dicetur Tit. 28. de appellat.

TITULUS XIV.

De Dolo, & Contumacia.

COnjungitur Titulus hic præcedentij; quia sapè contingit, ut spoliatus restitutionem rei ob dolum, & contumaciam Adversarij non possit

consequi: quare ut Jus succurrat fatigatis dolo, & contumaciā, opportuna hic remedia contra utrumque suggerit. Sit ergo

§. I.

De Dolo.

SUMMARIUM.

1. Definitio Doli boni.
 2. Doli mali.
 3. 4. Divisio in Verum, & Presumptum.
 5. Utriusque in Incidentem, & Præcedentem.
 6. Huius in eum, qui versatur circa substantiam actus, & eum, qui circa illius circumstanciam.
 7. 8. Explicatio istorum.
 9. Divisio contractuum in bone fidei, & stridi Juris.
 10. 11. 12. Quando Dolus Contra Eum vitiet?
 13. 14. 15. 16. 17. An vitiet Contractus bona fidei?
- 18. 19.** Remedia adversus dolum sunt Actio, & Exceptio.
- 20.** Qualis sit Actio de Dolo?
- 21. 22.** Cui detur, & adversus quem?
- 23.** Quando?
- 24.** Intra quod tempus?
- 25. 26.** Cui competit Exceptio Doli, & inquisibus rebus?
- 27. 28.** Contra quem?
- 29.** Intra quod tempus?
- 30. 31.** Probari debet, maximè ex Conjecturis.
- 32. 33. 34. 35.** Conjectura, ex quibus arguitur dolus.
- 36. 37.** Indicia, quibus excluditur dolus.



Uaritur 1. quid sit Dolus, & quotuplex? **n. 1.** Dolus nomen apud JCTos est significationis ambiguæ; sumi enim potest in bonam, & malam partem: & hinc duplex est, Dolus bonus dicitur so-

lertia, quâ quis machinatur aliquid adversus hostes, & latrones, prefertim publicos, ut fraudes, vel injurias eorum excludat l. hoc editio 1. §. non fuit 3. ff. de dol. mal. Hic prohibitus non est, sed adhiberi potest.

1. Adversus hostem Reip. juxta l. cit. **2.** Adversus aggressorem can. dominus 2. cauf. **23. q. 2.** **3.** Ad tuendum jus suum l. atqui 19. §. cùm me 3. ff. de negot. gest. **4.** Contra calumniatorem veritatis. Mynsing. cent. 3. obs. 6. aut fallere volentem. Bald. conf.

Cc 3

conf. 127. fin. vol. 3. 3. Et præcipue
in bello justo, ubi procedit illud vulgatum.
Dolus, an virtus, quis in hoste requirat?

Et de hoc fortasse dolo intelligendus
est Pomponius, quando *l. in causa 16. S.*
idem 4. ff. de minorib. ait, in pretio emptio-
nis, & venditionis naturaliter licere contra-
bentibus se circumvenire; nam ut Perez in C.
de dol. n. 1. cum alijs notat, nihil aliud vult,
quam quod cuilibet solertiâ suâ, sine ma-
litia tamen, in contractibus conditionem
suam liceat meliorem facere.

Dolus malus, ut eum ex Labeone
describit Ulpianus *l. cit. §. Dolum malum 2.*
est *omnis calliditas, fallacia, vel machinatio*
ad circumveniendum, fallendum, vel decipi-
dendum alterum adhibita. Differt dolus
malus ab *ignorantia & errore*; quia error, &
ignorantia naturaliter contingunt, dolus ve-
ro ex alterius malitia provenit: à *Culpa*
autem distinguitur; quia hæc aperte, &
sine animo fallendi committitur, dolus vero
intentione decipiendi: ad quod triplici ma-
xime viâ tendit, ut in descriptione innuitur,
videlicet calliditate, fallaciâ, & machina-
tione. *Calliditas* committitur tacendo, vel
dissimulando; *Fallacia* decipiendo meru-
dacijs; *Machinatio* per occultas infidias, ut
fusè prosequitur Host. in *Summ. b. tit. §. quid*
fit dolus? Titulus hic solum agit de dolo
malo, & quidem de eo duntaxat, qui con-
junctus est contumacia. Doctores ta-
men communiter hic tractant de Dolo malo
generaliter. Et hinc ulterius

3 Dub. 1. quotuplex sit Dolus malus?
¶ est duplex, Verus, & præsumptus.
Verus juxta Menoch. *l. 5. præsupt. 3. n. 7.*
est, quem Jus ipsum statuit, quod verum,
& manifestum censeatur id, quod ex Legis,
vel Canonis præsumptione habetur, licet
etiam ipsum ex conjecturis, & indicijs col-
ligatur. *Præsuptus* vero, queri prudens
Judec desumit ex indicijs, & conjecturis,
quæ in Jure non leguntur expressæ. Aliam
utriusque Doli explicationem cum Abb.
Bartol. Corras. dat Molin. *tr. 2. de J. & J.*
D. 293. n. 4. ubi *Dolum verum* committi ait,
quando fallaciam, & machinationem ad de-
ciendum alterum scienter, & de industria
adhibitam constat ex confessione propria,
vel ex alijs manifestis, & indubitate indicijs
l. Dolum 6. C. de dol. Quando vero
ejusmodi machinationis, & fallacie indicia ur-
gentia quidem sed non, ita manifesta apparent,
dicit esse *Dolum præsuptum*.

4 Hac Doli in Verum, & Præsumptum
partitio est probè notanda ob diversos, eos-
que notabiles utriusque effectus. Nam 1.
Dolus verus in futurum remitti non potest;
potest Præsuptus *l. si unus 27. §. illud 3. ff.*
de paſt. l. illud 5. ff. de paſt. dotal. P. Wiest.
bic n. 22. 2. Minor restituvi valet adver-
sus dolum præsumptum, non autem verum
l. si ex cauſa 9. §. nunc videndum 2. ff. de m-

inorib. Odd. *de refit. in integ. p. 2. q. 2. n. 12.*
Wiest l. cit. 3. Justa causa non excusat
à dolo vero, excusat à præsumpto *l. si is qui*
2. C. si minor se majorem &c. Menoch. *recup.*
rem. 5. à n. 49. 4. Ad Rei condemna-
tionem sufficit dolus verus, non sufficit au-
tem præsumptus, nisi præsumptus sit ex
indicijs vehementissimè urgentibus, & delicto
proximis. Vide Menoch. *præsupt. cit. à*
n. 10.

Dub. 2. quotupliciter possit Dolus
committi in Contractu? ¶ dupliciter;
nam aliquando Contractum præcedit, &
causalam ei dat; aliquando solum incidit.
Contractu causam dare tunc dicitur, quando
aliquis à Dolum committente doloso con-
silio, & perfusionibus inducitur ad ineundum
contractum, quem alias, si dolus ab-
fuisset, non injisset: ut si quis emat equum,
quia falso ei dictum fuit esse morigerum,
quem non emisset, si scivisset, ut nunc scit,
esse calcitrosum, impatiens, & oris contu-
macis; ita si vintum quis emat, quia vendi-
tor mentitus ei est esse plurimum annorum, vel
esse ex aliquo certo loco, quod tamen non
emisit, si scivisset non esse tot annorum,
vel esse ex alio aliquo loco. Contrà tunc
Dolus in contractu dicitur incidere, quando do-
lum passus adhuc illum fuissest initurus, et si
deceptus in eo non fuissest: ut si fuit tantum
circumventus in pretio rei, quam emisset mi-
nore pretio.

Prior, seu *dans causam Contractualis*
quando versatur circa substantiam rei; ali-
quando solum circa qualitatem, & accidentia
eius extrinseca. Ad substantiam actus di-
cuntur pertinere illa prædicata, per quæ in
genere moris is constituitur; cætera, quæ
supponunt actum in genere moris jam con-
stitutum, dicuntur pertinere *ad eisdem cir-*
cumstantiam. Difficultas est, quenam præ-
dicata talia sint, ut actum constituant; &
quæ talia, ut constitutum supponant.

Nascitur difficultas ista ex triplici ma-
xime capite. 1. Quia sæpe prædicatum
aliqd solum ad circumstantiam actus,
seu contractus pertinet, & tamen tale est, ut
ignorantia illius hic & nunc dederit causalam
contractui. Exemplum habes in Mat-
rimonio; nam contrahat Titius cum Bertha,
putans esse divitem, fœcundam &c. eti pauper
per sit, ac steriles &c. defectus dicitur, fœ-
cunditatis &c. non facit contractum Mat-
rimonij irritum, eti Titius non contraxisset
cum illa, si scivisset esse pauperem, sterilem
& ratio est; quia volitio, & nolitio, quæ
re ipsa non existit, sed solum exitur fuissest,
si hæc vel illa conditio fuissest posita, non po-
nit, nec tollit obligationem, sed posuissest,
vel fustulissest, si conditio extitissest.

2. Difficultatem facit, quia aliquan-
do contingit, ut idem prædicatum in uno
genere contractus pertineat ad substantiam
actus, in alio non: Sic esse filiam Impe-
ratoris

ratoris in contractu Matrimonij pertinet ad substantiam, in contractu venditionis non pertinet; neque enim vendor curat, etiam si emens non sit ille, quem ipse putat.

7. 3. Difficilem decisionem reddit; quia potest contingere, ut una eademque actio habeat duo, vel plura praedicata, quorum uni contrahens ita alligat intentionem suam, ut nisi illud subsistat, non velit valere contractum, non alliget alteri, et si potuisset sic alligare. Poteat autem alligatio hujusmodi, vel restrictio intentionis fieri vel largissime, ita, ut nullo errore interveniente, contrahens velit irritum esse contractum; vel arctissime, ita, ut quoconque errore interveniente, nolit valere contractum. Neutro autem modo expediret celebrari contractus ob incommoda inde secutura; nam si homines communiter contraherent intentione largissima, aperiretur via infinitis fraudibus, vel qui has evitare vellent, opus haberent consultatione longissima cum ingenti suo, & aliorum incommodo: è contrario si homines contraherent intentione restrictissima, omnes ferè contractus essent dubii; imo vix ullus reperiatur validus, cum plerumque desideraretur aliqua circumstantia, cui fuisse alligata intentio.

8. Ego ob has rationes judico 1. non posse universaliter defumaliiquid esse de substantia contractus ex eo, quod dederit causam contractui: patet ex dictis n. 6. 2. Dico, omne illud praedicatum esse de substantia contractus, vel actus, ad quod intentio contrahentis vel agentis est ita restricta, ut aliter nolit esse obligatus contractu; nam sine hoc non datus requisitus consensus. 3. Cum dubium est, an intentio restricta sit à contrahente ad hujusmodi aliquod praedicatum, præsumi debet restrictam intentionem, si communiter ab alijs ad hujusmodi praedicatum intentio restringi soleat; secus, si non ita ex communi usu, consuetudine, vel Lege positiva restringatur intentio. Unde, ut bene advertit Haun. tom. 3. tr. 8. n. 80, à Lege, consuetudine, & voluntate contrahentium pendet, ut error dicatur fuisse circa substantiam potius, quam circa circumstantiam.

9. Dub. 3. circa quotuplicis generis contractus contingere Dolus possit? 4. contingere potest tam circa contractus bonæ fidei, quam stricti Juris. *Bonæ fidei contractus* sunt Emptio, Venditio, Locatio, Conductio, Permutatio, Commodatum, Depositum, Pignus, Mandatum, Societas &c. sic nuncupati; quia in ijs Judex ad rigorem conventionis adstrictus non est, sed ex aequo, & bono pro una parte contra alteram alteri præstari oporteat, astimandi, decernendique facultatem habet, licet in conventione non sit expressum, dummodo id exprimi aequitas postulasset, vel permisisset. *S. in bone 30. Inst. de action. & l. quia tan-*

tundem 7. ff. de negot. gest. Contrà Stridi Juris sunt promissio liberalis, stipulatio, donation, mutuum, feudum, emphyteusis, sic dicti, quod in ijs Judex non ita liberam astimandi facultatem habeat, sed pronuntiare debeat secundum rigorem, & verba conventionis, & reum condemnare in id, quod expresse convenutum est, non in plus, vel in aliud arg. l. quia tantundem cit. l. s. ita 116. *§. Chrysogonus 2. 4. supereft ff. de V. O. Molin. tr. 2. de J. & J. D. 259. n. 2. Harprecht in S. actionum 28. Inst. de action. n. 15. § 16. Manz. in S. in bona cit. n. 1. Haun. tom. 3. tr. 8. n. 54. Wiest.*

In utrisque intervenire dolus potest duobus modis: uno, ut dolus fiat ab aliquo ex ipsis contrahentibus; altero, ut fiat per tertium aliquem, ut per Proxenam, neutro contrahentium participante in illo. His præmissis.

Quæritur 2. quandonam error, vel **10** Dolus vitiet actum, aut contractum, quando non vitiet, sed solum det actionem, vel exceptionem ad rescindendum contractum Dolu initum? *Certum est 1.* quando Dolus veratur circa substantiam rei, ut si quis emat vitrum pro gemma, aurichalcum pro auro, Contractum est ipso Jure irritum. Ita omnes, & ratio est manifesta; quia hujusmodi dolus ex parte circumventi inducit errorem circa substantiam rei emptæ, circa quam versans error consensum tollit, qui essentialiter requiritur ad omnem contractum l. si per errorem 15. ff. de Jurisd. l. non idcirco 9. C. de J. & F. J.

Certum est 2. si dolus sit solum incidentis, & non det causam contractui, non reddi contractum invalidum, etiam Jure positivo. Ita Sylv. V. culpa n. 9. Molin. tr. 2. de Just. D. 352. n. 10. Less. l. 2. c. 17. n. 28. Laym. l. 3. tr. 4. c. 5. n. 2. Pal. tr. 14. D. 2. p. 5. n. 25. Haun. tom. 3. tr. 8. n. 68. Perez in C. b. tit. n. 5. Zof. ff. eod. n. 12. Pirk. hic n. 2. König n. 12. Sanrig c. 2. n. 5. Wiest. n. 7. & alij paucim. Patet de contractibus bona fidei ex l. si quis 9. princ. ff. de dolo, & l. Julianus 13. S. si vendor 4. & S. seq. ff. de action. empt. secundum quos textus, si quis dolo hujusmodi contractum incidente circumventus sit, actionem habet ex ipso contractu. Atqui contractus, ex quo propria actio circumventio descendit, non potest esse invalidus. Ergo &c. Ratio universim est, quia dolus ite consensum non tollit quoad substantiam contractus, cum intentionem contrahentis non afficiat, utpote qui dolo etiam absente contraxisset. Igitur Jure naturali valet; cons. etiam Jure positivo, cum isto non sit irritatus.

Certum est 3. nullo dolo, circa contractus circumstantiam, & qualitatem accidentalem commissio, etiam si hic antecedens sit, & causam contractui det, irritari contractum de Jure naturali. Ita l. citt. Less. n.

28. Pal. n. 8. Haun. n. 83. Wiest. n. 8. Ratio est, quia hujusmodi dolus, & per eum inductus error, cum eidem intentio contrahentis non adstringatur, non tollit voluntarium consensum; nam hunc si tolleret, pro irritis habendi essent contractus plurimi, & matrimonia innumeram, quippe in quibus saepe hujusmodi dolus, aut error contingit, dum sponsa dolosè fingit se nobilem, divitem, virginem, sive sponsum inducit ad secum contrahendum, quinon contraheret, si sciret, ut postea seit, eam esse ignobilem, pauperem &c. sequela pugnat adversus communem sententiam plororumque alicuius non minis, aut nota DD. quos magno numero recenset Sanchez. l. 7. de matr. D. 18. n. 18.

Certum est 4. Jure etiam positivo non esse irritos contractus matrimonij carnalis, & spiritualis initi per professionem Religiosam, eti dolo, vel errore, circa aliquid accidentale commissio, sint celebrati, v.g. quia sponsa mentitur se nobilem, vel opulentam; aut Novitus occultum corporis vitium, vel morbum dolosè tegit; nam hoc ipso, quod ad hujusmodi qualitatem, & circumstantiam contrahentium intentio non restingatur, dolosa hujusmodi jaestantia, vel occultatio consensum non tollit, ut de matrimonio carnali l. cit. ostendit Sanchez; de Professione Religiosa tradetur suo loco.

Certum satis est 5. eodem Jure positivo etiam non esse irritos Contractus ceteros, saltemque stricti Juris sunt, quantumvis ejusmodi dolus, vel error praecesserit, & causam eisdem dederit. Sumitur ex §. verbi gratia 1. Inst. de exception. & l. dolo 5. C. de inutil. stipulat. ubi ex stipulatione dolo obtenta diserte dicitur obligationem, & actionem nasci. Atqui obligatio ad agendum efficax ex actu nullo nasci non potest. Ergo actus, & contractus, saltem stricti Juris, dolo, qui circumstantiam ejus tantum attingit, obtentus irritus ipso Jure esse non potest.

Certum denique est 6. nullo Jure irritum esse Contractum etiam bona fidei dolo obtentum, si is circa substantiam actus non versetur, & ab alio, quam contrahente, commissus sit, quamvis ille Contractui causam dederit. Ita loc. citt. Less. n. 33. Molin. n. 7. Laym. n. 3. Pal. n. 22. Haun. n. 83. & 95. Pirk. n. 5. König n. 17. Sannig c. 2. n. 4. Wiest. n. 16. & colligitur ex l. & eleganter 7. ff. b. tit. Ratio est, quia adeo substantialis consensus, & contrahens nullam injuriam decepto intulit. Ergo nihil est, quod contractum vitiet.

Dubium ergo duntaxat est, quando Contractus est bona fidei, & dolus a contrahentium altero commissus est, deditque causam contractui, substantiam tamen illius non afficit? Quo casu ipso Jure irritum contractum esse admodum probabiliter existimant Bartol. in l. & eleganter cit. princ. n. 9. Abb. in c. cum dilecti 3. de empt. &

venn. 6. Sylv. V. culpa n. 9. Covari. Reg. possessor p. 2. §. 6. n. 6. Molin. tr. 2. D. 352. n. 2. & 3. Gaill. l. 2. obs. 2. n. 6. Harprecht in §. actionum 28. Inst. de action. n. 20. Perez in C. de dol. n. 5. & RR. Legista communiter. Fundantur 1. l. & eleganter cit. princ. ff. de dolo, ubi dicitur, nulla esse venditio, si quis in hoc ipso, ut venderet, circumscriptus est. 2. l. ea vero 3. in fin. ff. pro socio, ubi Paulus, societas, inquit, si dolo malo, aut fraudandi causa coita sit, ipso Jure nullius momenti est: & addit rationem; quia fides bona contraria est fraudi, & dolo. 3. Idem l. in causa 6. §. item 1. ff. de minorib. confirmat ex Labrone Ulpianus, dum ait, si minor circumscriptus societatem cojerit, vel etiam donationis causa, nullam esse societatem, nec inter maiores quidem. 4. Quia aequitas naturalis non patitur, ut aliquis per injuriam jus, & actionem consequatur arg. c. propositum 1. deo, qui dux in matrim. ibi: Neque dignum est, ut lucrum de dolo suo oportet. Ergo doloso nulla actio, neque jus ullum ex contractu, cui dolus causam dedit, acquiritur. 5. Contractus est ultro citroque, ita ut si ex una parte non detur obligatio ex contractu, etiam non confurgat ex parte alterius. Atqui ex parte decepti non datur obligatio; quia, ut infra dicam, ex parte ejus datur exceptio. Ergo neque ex parte decipientis dabitur.

Verum his non obstantibus, in Theoria admodum probable, & in praxi verius est, eos contractus, & actus, quando insolubiles non sunt, rescissione quidem obnoxios, at ipso Jure non omnino, saltem ex parte decipientis, irritos esse. Ita Gloss. in §. verbi gratia 1. V. efficax Inst. de except. Igneus in Reg. Contractus 85. in 6. n. 150. Less. l. 2. de Just. c. 17. n. 31. Laym. l. 3. tr. 4. c. 5. n. 6. Pal. tr. 14. D. 2. p. 5. n. 19. Haun. tr. 8. cit. n. 86. Pirk. hic n. 6. König n. 5. Sannig c. 2. n. 4. & 5. Wiest. n. 12. & duobus seqq. Sumi videtur. 1. Ex l. si dolo 5. C. de rejicind. vendit. ubi dolo obtenta venditio refici debet, non obscuro argumento valoris, cum quod nullum est, rescindit nequeat. 2. Ex l. rem alienam 28. ff. de contrah. empt. ubi dicitur, quod emptio, & venditio rei alienae teneat, & tamen hoc casu emptor dolo, vel errore inductus emit, existimans rem emptam esse propriam vendoris. 3. Ex l. qui vas 48. §. fin. ff. de furt. ubi deciditur furem fieri dominum pretij pro re furtiva vendita: adeoque venditio tenet, licet fur per dolum, sciens rem esse furtivam, vendiderit.

Opponunt quidem Adversarij, inefficax ex l. citt. argumentum duci; nam l. si dolo intelligi potest de rescissione defacto tantum, & sola traditionis retractatione. 2. l. rem alienam exaudiri potest de hujusmodi re ab ignorantie bona fide vendita. 3. l. qui vas §. fin. de venditionis valore, aut nullitate nihil,

nihil, sed tantum rei furtivæ premium furtivum non esse afferitur. Sed quidquid sit de sensu istorum textuum, cum tamen etiam in oppositum adducti, ut mox videbimus, patiantur interpretationem commodam, Jus positivum dubium explicari debet secundum Jus naturale certum. Hinc proposita assertio sequenti arguento corroboratur: Ex certa Jutorum regula, quandoquaque Jus positivum potest concordari cum Jure naturæ, debet cum illo concordari. Sed de Jure nature, ut n. 11, dictum est, dolus accidentalis dans causam contractui, sive bona fidei, sive strieti Juris ille sit, non reddit eundem irritum. Ergo nec Jure positivo dicendus est esse omnino irritus.

¹⁶ Ex quo sequitur, ex hujusmodi contractibus oriri obligationem, & quidem non tantum ex parte decipientis, sed etiam ex parte decepti: cum discriminem tamen, nam decipientis ita obligatur, ut stare contractu debeat etiam ante sententiam Judicis, modò deceptus velit, ut cum Molin. l. cit. n. 4. communis DD. habet: & ratio est, quia hic consensum absolutum dedit. Hinc si ex capite doli à se adhibiti agere vellet ad nullitatem contractus, audiri non debet; tum quia allegat propriam turpitudinem; tum quia contra Leges delinquens beneficio Legum indignus est l. auxilium 37. fin. ff. de minor. Deceptus vero, et si ipse obligetur. Quia et si non in dolum, in contractum tamen, & negotium, quod egit, consensit; beneficium tamen à Jure positivo habet, ut vel actione, vel exceptione doli ab implendo contractu liberare se possit, prout infra n. 18, explicatius dicitur.

¹⁷ Neque urgent argumenta allata in contrarium. Ad 1. ibi annullatur venditio, quia fuit facta à minore sine Judicis auctoritate, adeoque nulla fuit ipso Jure. Ad 2. sepe in Jure aliqui actus dicuntur nulli, & irriti, non quod defacto & ipso Jure sint irriti, sed firmi non sint, eo quod ad arbitrium unius ex contrahentibus irritari possint, ut ex communi docet Gloss. in l. si pater 1. V. irrita est C. de rescind. vendit. Ad 3. eadem est responsio, quæ ad primum. Neque obstat, quod addatur nec inter maiores quidem: nam intelligi potest, si minor contrahat cum majori, vel major fiat; nam tempore non convalescit, nisi cognitio dolo major contractum ratificet. Ad 4. quod deceptor competit jus, & actio ex contractu doloso, ex mutuo, & absoluto utriusque contrahentis sensu habet, non ex dolo, vel injuria; nam ex hac potius contrahit obligationem, ut passiat rescindi contractum per oppositam exceptionem, aut actionem de dolo à deceptor institutam: imo et si deceptus nec excipiat, neque agar contra deceptorum, in conscientia tamen obligabitur deceptor ad restitutionem, & plenam reparationem damni per dolum dati, idque ante sententiam Judicis,

cum damnum hoc alteri suâ culpâ dederit. Ad 5. argumentum hoc solvi debet in contractu per metum extorto, qui secundum communem validus est ipso Jure, licet metum paucis rescissionem illius possit petere, non metum inferens.

Quæritur 3. quale remedium detur? Volum passo in contractu à se inito? ¹⁸ si dolus veretur circa substantiam actus, opus est sola declaratione nulliratis. Si circa circumstantiam, distinguendum est, an dolus fiat per tertium aliquem, an per unum ex contrahentibus. Si primum, contractus absolutè est validus, sive gratuitus ille sit, sive onerosus, neque per oppositam exceptionem, vel actionem doli rescindi potest, et si dolus causam eidem dederit, prout colligitur ex l. & eleganter 7. ff. de dol. mal. & ratio est, quia tali causa neuter contrahens censetur sibi reservare jus recedendi à contractu, si à tertio sine culpa, & dolo secundum contrahentis deceptus fuit; alias etiam is, qui per errorem seipsum decepit, posset dicere se animo illo contraxisse, ut tali casu recedere à contractu posset: & sic plurimi contractus vacillarent, cum tamen contrahentium securitas sit valde optabilis commercio humano. Interim tamen decepto competit actio de dolo contra tertium deceptorem: imo ut Less. Pal. Pirh. Haun. docent, casu, quo contractus ejusmodi nondum est impletus, nec executio mandatus, posset ita deceptus per dolum tertij, eo cognito, resiliere à contractu, nec tenebitur, saltem in conscientia, eum implere, seu perficere ob animi contrarij presumptionem, quod generatio non presumantur contrahentes se obligare velle ad implendum contractum, si graviter decepti sint, sive deinde id factum fuerit ab altero contrahente, sive ab aliquo tertio.

Si secundum, decepto de Jure Prætorio contra decipientem datuſ exceptio, vel actio de dolo: Exceptio quidem, si res adhuc sit integra, & contractus nondum impletus; Actio autem, quando non amplius integra est, sed contractus per traditionem compleetus. Discrimen tamen iterum faciendum est inter casum, quo dolus est tantum incidens, & inter casum, quo dolus est præcedens, & causam dedit contractui. Nam primo casu actio decepto contra decipientem competit, non ad rescissionem contractus, sed ad solvendum, quantum decepti interest dolum esse adhibitum l. Julianus 13. pinc. & §. item 1. ff. de actioni empt. & vendit. imo decipiens, si dolo suo fecit, ut recipiatis e. g. rem emeret majore pretio, quam merebatur, in conscientia etiam ante sententiam Judicis damnum istud compensare tenetur. In casu secundo actio de dolo datur etiam ad rescindendum contractum. De hac igitur

Dub. 1. qualis actio sit Actio de do- ¹⁹ lo? I. est Prætoria & personalis; quia ex delicto, videlicet, dolo nascitur.

Dd

Merc

Mere rei persecutoria ex parte auctoris; quia nullam poenam continet, sed ad simplicem duntaxat datur, videlicet, ut res dolo obtenta, & aestimatio rei, si res ipsa non possit, & damnum, ac interesse restituatur. 3. *Arbitraria;* in qua restitutio fieri arbitrio Judicis jubetur: & tunc si reus restituat, absolvitur; sin minus, condemnatur in omne id (salvo moderamine) quod auctor suā interesse in item juraverit. 4. *Subsidaria;* quia si alia speciali actione deceptus potest consequi rem, vel interesse, non est adhibenda, cum sit famosa, & reo ob dolum condemnato perpetua ignominia nota inurat. *l. hoc editio 1. §. ait Praetor 4. ff. & l. de dolo 2. junct. Gloss. V. alia C. de dol. mal.*

21 Dub. 2. cui detur actio de dolo, & adversus quem? *R. dari dolum passo, & ejus heredibus adversus decipientem, seu dolosum, nisi specialiter excipiatur. Ita omnes.* Dixi 1. *& ejus heredibus; quia, ut n. prec. dictum est, est actio rei persecutoria ex parte auctoris, & conf. etiam ad haereses transit.*

Dixi 2. *adversus decipientem, seu dolosum; nam adversus haereses istius, & ceteros successores eatenus solum datur, quantum ad eos ratione dolii commissi pervenit, aut quo minus perveniret, dolio eorum factum est, & tunc est perpetua l. si plures 17. in fin. l. in heredem 26. & l. seq. ff. de dol. mal.* Neque obstat, quod alias actiones personales ad heredem transeant ob fictionem Juris, qua ipse una eademque persona cum defuncto censetur; nam hoc intelligentum est de actionibus non descendenteribus ex delicto, non de ijs, quae ex delicto descendunt: ex hoc enim, si alienum id sit, & ab alio commissum, iniquum est quemquam ultra id, quod ad eum pervenit, obligari; quod enim ultra est, poena est; poenales autem actiones ad haereses non transeunt. *l. civilis 1. ff. de privat. delict. l. un. C. ex delict. definit. in quant. hered. &c. Wefenbec. ff. de dol. n. 9. Pirk. hic n. 17.* Est que calu, quo contra haereses dolosi defuncti dolii actio datur, longè diversa obligatio istorum, quam illo, quo à pluribus dolio factum est aliquid: nam inter haereses in dolo non participantes obligatio dividitur; ex dolo autem proprio, qui dolum fecerunt, tenentur omnes in solidum, ita ut conveniri possint singuli, sic tamen, ut si unus solverit, ceteri liberentur, ut recte advertunt Perez in C. de dol. mal. n. 20. Pax Jordan. l. 14. tit. 13. n. 32. Sabell. §. dolus n. 15. & ratio est, quia bona fides non patitur saepius idem exigit Reg. 57. ff. de R. J.

Dixi 3. *nisi specialiter excipiatur. Excipiuntur autem 1. personæ, quibus ex pietate, officio, aut reverentia obligantur. Sic actio dolii non datur liberis adversus parentes, libertis adversus patronos, cum sit famosa, neque deceat, ut liberi parentum, liberti patronorum famam apud bonos fugillent.*

Similiter etiam non datur humili adversus eum, qui dignitate excellit; nec plebeio adversus consularem recepta authoritatis; nec luxurioso, aut prodigo adversus vita emendatoris hominem. *l. non debet 11. ff. de dol. mal. Wefenbec. ibid. n. 6. Perez in C. eod. n. 10. Pax Jord. l. cit. n. 33. Pirk. n. 18.* Ratio est, quia talium hominum fama parendum est: & hinc adversus illos loco actionis de dolo instituti debet actio in factum, temperatis verbis, & omissa dolii mentione. Sabell. §. dolus n. 15. *Excipitur 2. is, qui dolum, vel fraudem excludit astutia, & solertia; nec enim videbitur dolio fecisse, cum fraudem excluderit, ut dicitur l. cum pater 77. §. Titio 31. ff. de Legat. 2.* *Excipitur 3. qui & ipse dolum commisit adversus eum, adversus quem agere de dolo cupit; nam dolus cum dolo compensatur.*

Dub. 3. quando concedatur actio de dolo? *R. 1. non datur, nisi causâ cognitâ l. hoc editio 1. §. verba 1. l. quis 9. §. fin. ff. de dol. mal.* Ratio est, quia cum famosa & gravis sit actio, non passi ac temere indulgeri debuit. 2. Non datur, quando summa est modica, i. e. usque adduos aureos l. quis c. fin. & l. seq. quia poena debet commenurari delicto; nulla autem est comparatio duorum aurorum cum infamia, quam actio de dolo infert damnato. Wefenbec. ff. de dol. mal. n. 6. Perez C. eod. n. 9. Brunneim. in l. 5. ibid. n. 5. Gail. l. 2. obs. 103, n. 3. Haun. tom. 3. tr. 8. n. 100. Pirk. hic n. 18.

3. Non datur adversus eum, qui per meram dissimulationem absque alio facto induxit alium ad contractum, unde Iesus est. Patet ex definitione Dolimi n. 2. data; nam Dolus non ex dissimulatione probatur, sed ex machinis, tendiculis, suasionibus, affirmacionibus falsis, laudationibus adulatoriis, insidiis, iisdemque perpicuis l. dolum 6. C. de dolio malo. Excipe, nisi ex Justitia teneatur monere; tunc enim positive censetur cooperari ad deceptionem alterius, & sicutetur de dolo.

Dub. 4. intra quod tempus competit Actio dolii? *R. olim utili tantum anno dabatur, quemadmodum reliqua Actiones Praetoriae: hodie autem datur per continuum biennium contra dolosum; contra heredem vero ipsius 30. annis de eo, quod ad ipsum pertainet.* Dixi 1. *dari actionem dolii per continuum biennium contra dolosum.* Ita deciditur l. fin. C. de dol. mal. ubi etiam habetur biennium hoc numerandum à die commissi dolii, ita ut ab eo die fieri actio de dolo possit, post biennium vero, etiam intra biennium copta, extinguatur. Perindeque est, si ab absens fuerit, si præfens is, qui conqueritur se dolum fuisse passum, ut ibidem dicitur; & ratio est, quia cum infamiam inferat condemnato, gravis est, & odiosa. Dixi 2. *contra heredem dolosi actiones de dolo solum finit 30. annis, prout constat ex l. itaque*

que 28. fin. ff. de dol. mal. Quod extenditur similiiter ad ipsum dolosum , quantum ad communum ex dolo perceptum , ut possit saltem actione in factum conveniri , ut habet Gloss. in l. itaque cit. V. perpetuo in fin. Pax Jordan. tit. 13. cit. n. 17. Perez C. de dol. mal. n. 13. Brunnum. in l. fin. C. cod. n. 10. Sabell. §. 1. dolus n. 10.

25 Queritur 4. De Exceptione Dolii. Et dubitat 1. cui competit Excepit Dolii, & in quibus rebus ? 2. Competit laeso per dolium, hujusque heredibus, & successoribus, inquit etiam fidejussionibus, in omnibus ijs causis, in quibus dolus committi potest. Ita pallim DD. Duxi 1. laeso per dolium; nam aequitas naturalis non patitur, ut fraus sua, & dolus authori profint: hinc eti deceptus summo Jure, seu de rigore Juris obligatus est ad solvendum, & præstandum id, quod ab eo petitur, liberare se tamen ab obligatione hac per exceptionem potest. Duxi 2. hujusque heredibus, & successoribus scilicet. Patet ex l. exceptiones 7. §. rei autem 1. ff. de except. prescript. & præjudic. & docet Zoes. ff. de dol. mal. except. n. 9. Pirk. hic n. 11. Ratio innaturit l. scilicet quia scilicet exceptio haec est rei cohaerens; igitur ad quem res transit, ad eum etiam ipsa transit. Duxi 3. in omnibus illis causis, in quibus dolus committi potest. Adeoque

26. Excepit dolii datur 1. in Contradicibus, & promissiōnibus, si quis alterum dolose induxit ad contrahendum, vel promittendum. 2. In Testamentis, si in his fraudis aliqua, vel dolus committatur aut supprimendo, aut cancellando, aut delendo, quæ in ijs sunt scripta. 3. In Legibus; nam in his multiplex fraus, vel dolus committi potest, ut si quis falsis Legis verbis sententiam ejus circumvenit l. contra 29. ff. de Legib. si quis faciat, quod Lex fieri noluit, fieri autem vetus l. *fraus enim 30. ff. eod.* si quis Leges corrumpat, mutilet, aut falso alleget, vel interpretetur. Hiltrop. in Process. Judic. p. 2. tit. 19. n. 5. & duobus seqq. Inde Excepit Dolii tam latè patet, ut cum omni alia Exceptione peremptoria concurrat; quicunque enim petit, quod scit exceptione elidi posse, aut licet non debere solvi, aut si solutum sit, illi, qui solvit, restituendum, is dolum committit l. dolo 8. ff. de dol. mal. except. & ibi Gloss. V. redditur res. Ubi autem dolus est, ibi etiam exceptio dolii locum habet. Hiltrop. l. cit. n. 15. §. 17. Pirk. hic n. 10. Neque necesse est, ut initio statim intervenierit dolus, sed sufficit, si post ignorantiam facti inculpabilem certioratus postea perseveret in lite improbata, ut bene notat Pax Jordan. l. 14. tit. 13. n. 15. Item non requiritur, ut dolus semper commissus sit, antequam instituatur actio; nam sapientia, qui optima fide & jure incipiunt actionem, in ejusdem prosecutione possunt dolum committere. Unde Interpretes dicunt Exceptionem Dolii la-

tissimè patere, & in Jure dicitur Generalis; quia universim, quoties Actio infringi potest aequitate defensionis, toties huic exceptioni locus est l. qui aequitate 12. ff. de dol. mal. except.

Dub. 2. contra quem detur eadem²⁷ Exceptio dolii mali? 1. dari adversus omnes, qui contra aequitatem naturalem aliquid exigunt, nisi aut officium, aut conjunctio eos immunes à doli suspicione faciat. Adeoque Exceptio haec datur 1. etiam contra pupillum, minorem, furiosum, prodigum, si forte pecuniam sine tutoris, vel curatoris auctoritate mutuo acceptam iterato exigant, & ex illa facti sint locupletiores l. apud Celsum 4. S. si quis pupillo 4. & l. si debitor 16. ff. de dol. mal. except. & docet Zoes. ibid. n. 9. Pirk. hic n. 12. Sannig c. 2. n. 2. Ratio est, quia eti ab initio dolo caruerint, non tamen sunt extra dolum, si postea malitiosè petunt fieri locupletiores ex re alterius. Extenditur 2. etiam ad Successores in re ex causalucrativa, ut donationis, legati; nam his recte obijcitur Exceptio, cum pretium pro re non dederint. Pax Jordan. tit. 13. n. 14. Pirk. n. 13. Aliud dicendum, si successerint ex causa onerosa, veluti emptionis, vel permutationis l. apud Celsum cit. S. de authoris 27. & S. authoris 31. Ratio est, quia cum Exceptio haec oriatur ex delicto personæ, successori dolo carenti obesse non potest; nam poena suos debet tenere authores l. *sancitus 15.* C. de pœnis. Puniretur autem emptor, si ob dolum vendoris pretium datum amitteret. Extenditur 3. ad Procuratorem; nam si hic in rem suam datus est, obest ipsi dolus suus, ita ut contra ipsum excipi possit l. apud cit. §. *quesitum 18.* Si non sit datus in rem suam, distinguendum est, an dolus commissus sit in ipso negotio, vel administratio omnium bonorum sit ei commissa, vel non. Si in ipso negotio dolum commiserit, vel administrationem omnia bonorum à domino sibi commissam habeat, de omni dolo Procuratoris excipendum est contra dominum, ut deciditur S. *quesitum cit.* at secus, dolus Procuratoris domino non nocebit. Extenditur 4. ut Exceptio dolii opponi possit etiam adversus patrem, si filius, & adversus dominum, si servus dolum in peculio sibi commisso fecerint l. apud cit. S. in hac exceptione 17. Ratio est, quia quidquid filius, vel servus peculium habens facit in peculio, id confert voluntate patris, vel domini facere, ut notat Gloss. *marg. in §. cit.* Sed hoc solum procedit in re peculiari; nam si extra pecularem causam, tum de eo dimittaxat excipi potest, quia commissus sit in ipso negotio, quod geritur, non etiam, si postea dolus aliquis intervenisset, ut expressè habetur S. in hac cit. ubi etiam ratio additur; quia non est aequum, servi dolum amplius domino nocere, quam in quo opera ejus est usus.

Addidi autem, Nisi aut officium, aut 28
Dd 2 con-

conjunction immunes à doli suspicione faciat; nam contra eas personas, quibus ex pietate, officio, aut reverentia obligamur, sicut actio, ita exceptio doli non datur; quales sunt parentes, patroni, in dignitate constituti &c. de quibus vide l. apud cit. §. adversus 16. l. non debet 11. ff. de dol. mal. & suprà num. 22. Quari hū potest, an reverentia parentibus debita prohibeat Exceptionem doli opponi etiam contra heredem patris à filio? *q. 14.* cum distinctione: ob dolum, quem ipse haeres commisit in agendo, dum scit, aut scire potuit filium aliquam exceptione tutum esse, eidem filius opponere doli exceptionem potest; quia in hoc non repräsentat personam patris: at præcisè ob dolum à patre commissum non potest exceptionem istam opponere arg. l. apud cit. §. adversus ibi: *Libertum autem de dolo Patroni, et si ab herede cuius conveniatur, minimè exceptionem objecetur*; & ratio additur: quia convenit tam vivo, quam mortuo *Patrono à liberto honorem exhiberi*: quæ ratio multo magis pugnat in parentibus. *Neque obstat* textus l. heredibus 13. ff. de dol. mal. ubi hereditas harum personarum conceditur actio doli, & conf. a fortiori Exceptio, & l. si præterius 15. ff. de bonor. possess. contr. tabul. ubi filius opposuit heredi patris exceptionem doli; nam Leges istæ solùm intelligendæ sunt de dolo, quem fecit haeres patris, non ipse pater. Interim tamen, ne ex fraude aliena, vel dolo damnum aliquis patiatur, sicut contra patrem, ita contra heredem patris filius dolum passus opponere Exceptionem in factum potest, quæ famam non fugillet.

29 Dub. 3. intra quod tempus competat Exceptio Doli? *q. 14.* esse perpetuam, & competere semper §. perpetuae 9. Inst. de except. l. purè 5. §. fin. ff. de dol. mal. § met. except. ubi etiam ratio discriminis inter actionem doli, & ejus exceptionem datur; quia actor in sua potestate habet, quando utatur jure sup; is autem, cum quo agitur, non habet potestatem, quando conveniatur. Conf. ex vulgari axiome; nam quæ temperanea sunt ad agendum, perpetua sunt ad excipiendum. Ista perpetuitas autem, ut notat Pax Jordan. l. 14. tit. 13. n. 16. concluditur spatio 30. annorum, ubi jus excipiendi per præscriptionem tollitur.

Quæritur 5. de Probatione Doli. Et 1. quidem dubitatur, an & quomodo Dolus probari debeat? *q. 14.* necessariò probandum esse; nam regulariter dolus, aut fraus non præsumuntur, ut explorati Juris est Regula. Ratio obvia est, quia quilibet naturā suā bonus præsumitur, ac proinde dolo proximum non circumveniſſe; cùm enim dolus consistat in fallacia, & machinatione, ad alterum decipiendum tendente, in delictum, & crimen vergit. Delictum autem & crimen non prælumintr, sed ab allegante probari debet. Ergo &c. Hinc omnis alia

præsumptio potius est capienda, & verba etiam aliquando improprianda, ut dolus, & fraus excludatur, si hæc aliunde probari non possint. Sabell. §. dolus n. 3.

Dificillima autem probationis sunt; *31* quia cùm in animo lateant, cuius intentiones, & cognitiones soli Deo cordiū scrutatori cognitæ sunt, deficiente confessione ejus, qui doli arguitur, probatio desumenda ferè erit ex conjecturis, indicijs, ac præsumptionibus c. fin. de. renunt. in 6. l. dolum 7. D. de dolo. Sed graves illas esse oportet, ut dolum, & fraudem probent, & simul necesse est easdem probari plenè, & concludenter. Debentque conjecturæ istæ tanto graviores esse, quanto major est præsumptio innocentia illius, qui doli arguitur: qualis datur *1.* si is, qui doli arguitur, sit valde probus, & honestus. *2.* Si dolus dicatur commissus aduersus hominem benevolum, vel sanguine, aut alia necessitudine conjunctum. *3.* Si dolum committenti damnum, & incommodum aut nullum, vel exiguum lucrum, vel emolumentum affert, nullaque doli causa apparet. Cravetta Conf. 8. n. 4. § 19. Conf. 319. n. 6. § 13. Menoch. l. 5. præsumpt. 3. à n. 17. & alij apud illos.

Dub. 2. quibus conjecturis arguido-*32* lus possit? Complures hujusmodi conjecturas enumerant Farin. prax. crim. q. 89. à n. 74. Mascard. de probat. vol. 2. concl. 522. à n. 15. & concl. 816. per totam, Menoch. l. 5. præf. 3. per totam, Jordan. l. 14. tit. 13. à n. 70. Sperell. decis. 150. n. 41. & seqq. Sabell. §. dolus n. 3. 4. 10. Wiest. hic à n. 24. & alij pallim. Potifimus recenzebo. Igitur

1. Præsumptio Doli oritur ex qualitate personarum, tum illius, quæ actum, vel contractum celebrat, tum earum, cum quibus, & per quas celebrat, ut si actum, vel contractum celebrans alij sit solitus dolum committere; si actus fiat cum personis suspectis, & prohibitis; si supponatur persona tertia ad contrahendum vel agendum, & suppositio hæc fiat in actu prohibito, vel in præjudicium tertij.

2. Ex qualitate facti, ut habetur l. quo lucidius 1. §. sed an 2. ff. de dol. mal. § met. except. ubi tamen distinguendum, quo Jure talis actus prohibitus, & illicitus fit; nam si Jure naturali, & ex natura sua sit malus, uti est furtum, homicidium &c. ex ejusmodi facto resultat semper doli præsumptio l. si non convitij 5. C. de injur. l. frater 1. C. ad Leg. Corn. de Sicar. At si Jure positivo tantum prohibitus sit, videndum, an sic prohibitus in damnum tertij cedat, aut cedere possit, vel non. Si hoc secundum, non præsumitur dolus; præsumitur autem, si primum: hinc de dolo tenetur, si quis sine causa alienat bona pupilli, cuius tutelam haberet, si contrahat fine debitum solennitatibus, vel contra prohibitionem Statuti, si cum minore sine consensu tutoris, vel curatoris &c.

3. Ex

33 3. Ex modo, tempore, & circumstantijs, quibus fit actus, ut si quis locupletari scienter querat cum jactura, & damno alieno, occupando res alienas præsertim vi, aut consumendo illas, vel in suam utilitatem vertendo l. si quis 17. §. Proclus 4. ff. de Inſtit. action. Item si quis scienter non facit, quod ex officio teneret facere l. dolus 44. & l. si procuratorem 8. §. dolo 9. ff. mandat. si clam sive in loco occulto, vel tempore nocturno facit, quod palam, & interdu fieri solet, aut debet arg. c. cum inhibito 3. de cland. despons. c. ut nosfrum 1. ut Eccl. benef. fin. dimin. confer. l. fin. ff. de rit. nupt. si via non recta, sed inconfusa per anfractus, & diverticula ad negotium tractandum accedat l. si fiscales 7. C. de navicular. & ibi DD. Excipe 1. nisi hoc fiat ad excludendum Adversarij dolum, seu fraudem arg. l. cum Pater 77. §. Titio 31. ff. de Legat. 2. Excipe 2. nisi habeat causam rationabilem rectam viam declinandi, aut celebrandi actum clam, vel de nocte portius, quam palam, & plena die; tunc enim præsumptio dolis cessat, cum in claris conjecturæ locum non habeant.

34 4. Ex alijs actibus adjunctis, ut si actus celebrans jungat friendaciu n, ex quo commodum aliquod mendax consecutus est l. quod si 8. & l. se 7. §. si autem 1. ff. de dol. mal. si faceat, vel dissimulet ea, quæ si fuissent expressa, actus in favore agentis non fuisset celebratus l. stellionatus 3. ff. de crimin. stellonat. si loquatur obscurè, vel obscurum insidiosè dissimulet, aut sub verbis generalibus, vel quodam quasi involucro clam aliquid includat l. ea, que 43. fin. ff. de contrab. empt. si contra pacta expressa veniat, vel unâ manu concedat promissa, alterâ querat eripere l. si procuratorem 8. §. dolo 9. ff. mandat. si non edat totum instrumentum, quod debet edere, sed vel solum præfationem omissa parte ejus substanciali, vel istam, omissa præfatione l. ubi exigitur 8. princ. ff. de edend. Ratio est, quia sepe priora posterioribus dant intellectum, & à posterioribus præcedentia declarantur.

5. Ex nimia, & insolita diligentia, vel cautela, prout colligitur ex l. si quis sub condicione 7. ff. de condit. inſtit. Neque obstat regula, quod abundans cautela non noceat, quia hoc verum est, quando adhibetur palam, & non est insolita; secus, si clam, & non sit solita: de quo vide Menoch. conf. 230. n. 50. & seqq.

35 6. Ex leſione enormi, sive ultra justæ aestimationis dimidium l. si superfite 5. §. sanè C. de dolo. Imò si enormissima sit, qualis esset, si quis ad cedendum fideicommissio valde amplio pro exigua quantitate fuisset inductus, dolus verus, seu manifestus, ac notorius commissus intelligeretur, quod quando læſio cum excessu tam immodico fa-

c̄ta appetet, omnis bona præsumptio cesseret, ut alijs citi. advertit P. Wiest. hic n. 7.

7. Ex verisimili: Ex hoc capite præsumitur dolus, si quis emat, aut mutuum det ei, quem scit pecuniam male consumptum, perditum lusu, donaturum scortis, absumptum in popinis &c. l. si vero 12. §. si adolescens 12. ff. mandat. & l. si quis 8. ff. pro tempore. Item si actus gestus est contra personam agenti odiosam, & non benevolam. Bald. in l. datâ operâ 11. C. de his, qui accusar. vel si aliquid fit spreta prohibitione, denuntiatione, seu protestatione sibi facta, ne faceret l. ait Prætor 10. §. si quis 3. ff. que in fraud. l. si fundum 17. C. de R. V. Et extenditur hoc etiam ad eum, qui scit futuram denuntiationem, vel prohibitionem, quamvis nondum sibi intimata.

Dub. 3. quibus indicijs excludatur Dolus? R. excludi indicijs propè contrarijs, quibus Dolus præsumitur. Horum plura enumerat Farin. prax. crim. q. 89. a n. 44. Menoch. l. 5. pres. 3. à n. 17. Mascard. vol. 2. de prob. concl. 532. à n. 2. Pax Jordan. l. 14. tit. 13. à n. 117. Sabell. §. dolus n. 5. & 9. Ego decem dunatax affero. Igitur præsumptio Dolis excluditur

1. Ex qualitate personarum, ut quia est vir bona fidei, & famæ; quia subditus contra Principem agit, quem alias, nisi justam causam haberet, reverentia absterret; quia qui agit, vel contrahit, est rusticus, imperitus, minor, foemina &c.

2. Ex defectu cause; ubi enim ex cogitari non potest causa patrandi dolis, non præsumitur quis dolosè egisse. Neque obest, eti concurrat lucrum, & commodum, si illud sit modicum; parum enim pro nihilo reputatur.

3. Ex Juris permissione: cum id, quod fit, à Jure permittitur; nam qui Jure suo uititur, nemini facit dolum, injuriam, vel fraudem.

4. Ex actu palam gesto; sicut enim ex actu clam celebrato capitur conjectura suspicionis dolis, ita etiam è contrario.

5. Ex ignorantia, sive deinde illa sit facti, sive Juris; modo non naturalis, gentium, aut Divini, vel alterius positivi notorij, & indubitabilis; quia ignorans non præsumitur esse in dolo, neque ab ignorantе dolus committitur Reg. 99. ff. de R. J.

6. Ex actu in personam benevolam gesto; sicut enim ex persona inimica defumitur præsumptio in contrarium, ut n. 35. dictum est, ita è diverso, præsertim si persona conjuncta sit.

7. Ex obedientia Superioris, sicut ex 37 inobedientia eidem præstata capitur conjectura dolis.

8. Ex necessitate officij ; sicut enim omittens ea , quæ pertinent ad suum officium, presumitur dolose facere, sic contra consequens ea , quæ incumbunt ipsi ex officio suo , liberatur à suspicione dol.

9. Si is , qui conqueritur de dolo , sciens , & volens illud permiserit ; volenti enim &

consentienti non sit injuria , fraus , & dolus.

10. Denique præsumptionem Dol generaliter excludit quæcumque causa , non solum levis , sed etiam injusta , & turpis , si principalis eam alleget , & probet se ea motum esse , ut crederet se non delinquere. Videantur DD. cit.

§. II.

De Contumacia.

S U M M A R I U M .

38. 39. Definitio, & Divisio Contumaciae.

40. Modi , quibus quis Contumax constituitur.

41. Citatio ad hoc requisita.

42. 43. Cause excusantes à Contumacia.

44. 45. 46. 47. 48. Modus procedendi adversus Actorem contumacie.

49. 50. 51. 52. 53. Adversus reum , si iste sit

contumex.

54. Paenæ contumacie.

55. Advertenda circa has paenæ.

56. Quomodo , & quando Reo contumaci negetur Appellatio?

57. Quando adversus Prælatum criminorum in contumaciam procedi possit?

quidem non constat citationem legitimè factam citato innovuisse , præsumitur tamen , donec contrarium proberetur. *Fictam* , seu *Interpretativam* , quando quis dolo impedit , ne citatio fieri , aut sibi innotescere possit , & tunc Jura fingunt fuisse citatum , & ad eum notitiam pervenisse.

Hæc secunda divisio ; ut dixi , accusator primæ est , prima tamen communis , & facile etiam defendi potest ; nam notoria contumacia ad veram reducitur , Præsumpta ad *Fictam*. Multum autem interest , an quis sit vere , vel præsumptivè contumax ; nam vere contumax non auditur amplius , aut restituitur contra ea , quæ interim acta sunt , ipso contumaciter absente ; auditur autem , & contra sententiam etiam restituitur præsumptivè contumax , si venerit , si amque absentiam excusaverit c. c. *Bertholdus* 18. de sent. & re judic.

Dub. 1. quibus modis quis constitutur Contumax ?

2. Contumacia committitur 1. quando reus tribus edictis , aut una vice trium peremptoriè citatus , & nullâ iusta causa impeditus non compareat l. contumacia 53. §. contumax 5. ff. de re judic.

3. Quando reus malitiosè absentiat , aut procurat per se , vel per alium , ne citatio ad ipsum pervenire possit ; nam qui dolo facit , ut aliquid non habeat , quod eum habere oportet , pro eo habetur , ac si acceperit l. ad ea

57. §. semper 1. ff. de R. J.

4. Quando comparuit quidem , sed postea sine licencia Judicis recedit , non confessò negotio , nec revertitur ; æqualiter enim delinquisse confetur sic recedens , ac is , qui Judici omnino se non præsentavit arg. can. certum 43. caus. 11. q. 3.

5. Quando actor veniens ad Judicium actionem , seu libellum non edit , aut

edita actione , & lite contestata , eandem non prosequitur ; nam primo casu reus absolvitur

Uxerit 1. quid sit Contumacia ?
2. Contumacia à Contemnendo dicta , quid Judicem videatur contemnere , qui vocatus non obtemperat , dupliciter potest accipi. 1. Genericè : & tunc designat quamcumque inobedientiam in , vel extra Judicium commissam. 2. Specificè : & in ea acceptiōne denotat solum inobedientiam in non comparendo commissam : quia acceptio hujus præiūe loci est. Definitur sic accepta , quid sit inobedientia , à legitimè vocato erga Judicem in ijs , que ad Judicem pertinent , commissa. Ita quoad tensum omnes , & colligitur ex c. causam 3. c. cùm dilecti. 6. b. tit. l. contumacia 53. ff. de re judic.

Dividitur communiter in Veram , & Fictam. *Vera* est , cùm quis peremptoriè ac personaliter citatus est , vel si personaliter citari non potuit , citatus ad domum , aut valvas publicas , affixo programmate , et si ad notitiam ejusdem hujusmodi citatio venerit , non tamen comparet , nec impedimentum excusat. *Ficta Contumacia* , seu *Præsumpta* est , cùm quis personaliter , & in faciem citatus non est , quia inventus non fuit , sed per edictum affixum ad ejus dominum , aut valvas Ecclesiæ , ita ut dubium sit , an citatio ad notitiam ejus perverterit , vel non : quo casu , si non compareat , nec sufficientem Procuratorem in termino constituto mittat , præsumitur contumax , & contrahit contumaciam fictam.

39. Alij accuratiū dividunt in quatuor membra , in Notoriā , Veram , Præsumptam , & Interpretativam , seu *Fictam*. *Notoriā* dicunt , quando quis in faciem citatus respondet impudenter , & nullâ excusationis causâ allegatā. *Non venio. Veram* , quando quis legitimè citatus , & citationis gnarus dicit quidem se venturum , vel omnino facit , sed non venit. *Præsumptam* , quando

vitur à citatione , secundo ab observatione Judicij. 5. Quando reus non responderet Libello actoris , aut Positionibus , seu articulis illius , vel si obscurè respondeat , non categoricè , vel ad quosdam articulos respondeat , ad quosdam non , ob quam contumaciam Articuli , & Positiones actoris habentur pro confessatis ; quia jus ex hac tergiversatione præsumitur tacitam quandam confessionem. 6. Quando litigantes non parent mandato Judicis , jubentis v.g. ut præstiterit Juramentum calumniæ , ut exhibeantur instrumenta , rationes , & alia ad causam deseruentia. 7. Denique quando parere recusant executioni sententia. Quæ omnia Gloss. in e. b. tit. V. contumaciter his versibus comprehendit.

*Non veniens , non restituens , citiusquerecedens:
Nil dicens , pignusque tenens , jurareque nolens :
Obscurèque loquens : isti sunt Jure rebelles.*

Ex quo patet contumaciam versari posse circa omnes partes Judicij , in quibus Actor , vel Reus non obtemperat Judici.

41 Dub. 2. quotuplex requiratur citatio , ut quis constituantur contumax , & obnoxius pœnis contumaciæ ? Rationem dubitandi faciunt diversi Juris textus ; nam unam simplicem sufficere , videtur innui per c. cef- sante 2. C. quom. & quand. Jud. ubi etiam cef- sante causa peremptorij editi adversis eos , qui admoniti Judicio adesse noluerunt , dicitur sen- tentiam à Judice posse proferri. Accedit ; quia tria vice citatus & ad tertium denum comparrens , expensas in priores citations factas , Adversario tenetur refundere , non alia certè ex causa , nisi quia ad duas præcedentes citations contumaciæ reum se fecit. Contra trinam , seu peremptoriæ non ob- scure exigit c. fin. §. in alijs . si vero post. Ut lit. non contest. l. contumacia 53. §. contumax 1. ff. de re judic. l. consentaneum 8. C. quom. & quand. Judex &c. Novell. 112. princ. & §. 1. Imò præter trinam , & peremptoriæ adhuc unam & distinctam requirere videntur l. consentaneum cit. l. edictum 55. l. tertium 70. l. & post edictum 73. ff. de Judic.

Sed dicendum , ad unam , vel alteram simplicem citationem non comparentem , saltem reum , eti propter inobedientiam puniri possit , non tamen per hoc contumaciæ reum effici , ita , ut in eundem , tanquam vere contumacem procedi possit , sed regulariter saltem requirunt tria citatio vel for- maliter , vel æquivalenter , seu peremptoria , eaque sufficit. Eruitur ex textibus cit. pro secunda sententia , & nota cum alijs P. Wiest. hic n. 38. P. Schmier de Process. Judic. c. 3. n. 9. Dixi : saltem reum ; aliud de Actore statuitur c. actor 1. b. tit. in 6. & ad- vertunt de eo Passerini. ibidem n. 5. & 6. P. Wiest. hic n. 44. & alij ; hic enim , si post oblatum libellum , eoque propositam actionem , cessante legitimo impedimento , non

compareat in termino quoconque , ad quem fecit citari reum , contumax constituitur , & ad ulteriore citationem non admittitur , nisi de comparendo imposterum in Judicio præstiterit cautionem idoneam.

Neque contrarium evincitur ex l. cef- sante cit. nam ut hunc textum explicat Go- thofred. ibid. lit. K. Imperator eo loco sub nomine Edicti peremptorij voluit aut quartum Edictum excludere , aut saltem insinuare , quod non sit necessarium , ut Edictum pe- rempotorium proponatur in hisce formalibus terminis Peremptoriæ citamus &c. sed sufficiat , si decernatur virtualiter cum sufficienti publicacione , & intervallo. Quod additur de expensis , recte est constitutum , sed obligatio illas solvendi non tam ex contumacia , quam ex eo oritur , quod non comparendo per cul- pam suam expensarum hujusmodi causa extiterit. Textus pro tertia sententia allegati exponi possunt , quod nonnunquam , si Ju- dici ita visum fuerit , editio tertio possit ad- juncti quartum , prout habetur l. nonnunquam 72. ff. de Judic.

Dub. 3. quæ causæ excusat à Con- 42 tumacia ? 1. Excusat aduersa vale- tudo l. contumacia 53. §. pœnam 2. ff. de re judic. 2. Majoris causæ occupatio , l. & §. cit. 3. Absentia Reip. causâ l. contra pupillum 54. princ. ff. eod. 4. Ætas pupillaris , vel minor- remis l. ead. 5. Citatio ad Tribunal superius l. cit. §. is , qui 1. 6. Puerperium , vel graviditas mulieris l. uon exigimus 2. §. si non 4. ff. si quis caution. in judic. fist. 7. Tem- pestas , aur vis fluminis l. cit. §. quod diximus 7. & §. seq. 8. Prohibitio , vel retentio proprii Magistratus l. cit. §. fin. 9. Ruffici- tas l. exquacunque 2. §. si quis 1. ff. si quis injus vocet. Excipit tamen Brunn. Proc. Civil. c. 4. n. 7. si talis rufficus alias sagax sit. 10. Incompetentia notoria Judicis citantis. 11. Tempus feriatum , ad quod fit citatio. 12. Locus non tutus , ad quem fit. 13. Bellorum motus , captivitas , carentia Advo- cati. 14. Universum à contumacia excusat quævis causa , quæ excusat , ne citatus com- parere debeat.

Et hoc adeo verum est , ut si contra ejusmodi , quem iusta emanendi causa defen- dit , Judex sententiam pronuntiet , si quidem illi de ejusmodi impedimento constet , sen- tentia sit ipso Jure nulla ; sin vero impedimen- tum hoc ignoraverit Judex , per in integrum restitutionem ad appellandum rescindatur , vel alias causa in pristinum statum repona- tur l. fin. ff. de in integr. restit. l. ea quæ 7. C. quom. & quand. Jud. l. quia absente 4. C. de procurat , l. si propter officium 1. C. quib. ex caus. major. An vero hujusmodi impedimen- tum , quod objicitur ad excusandam absen- tiæ , revera absit , cognoscere , & decernere ad Judicem pertinet , cuius universum est ar- bitrari , num allegata à partibus in Judicio veritati submixta sint l. illicitas 6. §. veritas 1. ff. de Offic. Pref.

Quæ-

43 Quæritur 2. quomodo procedendum sit adversus contumacem? *v.* in genere hic notandum, quod Judex de Jure nunquam contra contumacem ex officio possit procedere ad aliquem actum, nisi ad instantiam, & petitionem partis adversæ. *l. ad peremptorium 68. ff. de Judic. l. properandum 13. S. Et si quidem 2. C. eod. Auth. qui semel C. quom. Et quand. Jud. Novell. 112. c. 3. princ. Et §. 1. Bartol. in Auth. cit. n. 2. Marrant. tit. de contumac. n. 1. Gaill. l. 1. obs. 55. n. 6. Pirk. hic n. 21. König ibid. n. 27. & novilimè P. Schmier tr. de proc. Judic. c. 3. n. 31. Ratio est, quia regulariter Judex officium suum non impertitur, nisi imploratus *l. dies cautioni 4. S. hoc autem 8. ff. de damn. infect.* Aliter autem discurrendum est de Actor, & aliter de Reo. Hinc*

44 Dub. 1. quomodo procedendum sit contra Actorem contumacem? *v.* modum hunc sumi ex c. causam 3. b. tit. & c. actor 1. eod. in 6. His capp. deciditur 1. ut si actor post oblatum Libellum non compareat, citetur à Judice personaliter per litteras, vel per nuntium, si reperiri possit, aut sciatur, ubi existat.

2. Si Actor non compareat in primo, & secundo termino, reo comparenti condemnatur in expensas, sub quibus non solum sumptus litis, sed etiam viaticum intelligitur c. actor cit. & l. eum quem 79. princ. ff. de Judic. Insuper eti si in tertio termino se ferterit, non est audiendus, si iterum petat citari reum, nisi prius caveat, quod interminno statuto parebit; quia contra ipsum presumptio est, eo quod semel malus semper presumatur malus in eodem genere mali, ut habet Reg. 8. de R. f. in 6. Excipe, nisi probaverit legitimum impedimentum, vel etiam reus in termino, ad quem citatus est, non comparuerit; tunc enim una contumacia compensatur cum alia, & cons. actor non comparens reo itidem non comparenti in expensas condemnari non debet.

3. Quodsi actor neque in termino peremptorio, neque post illum compareat, & nesciat, ubi sit, tunc Procurator ejus, si quem reliquit, citari debet, modò talis sit causa, quæ per Procuratorem agi possit: qui si compareat, cum eo item suam prolegetur reus. Si neque is in Judicium veniat, aut actor nullum Procuratorem reliquit, vel saltem non constat, an reliquerit, adhuc tribus vicibus per 30. dierum intervallo citandus est.

45 4. Si etiam tunc venire contempsit, de Jure Civili indulgetur annus, ut causam prosequatur: & quidem si intra hunc compareat, priusquam audiatur, expensas à Reo factas solvere debet, & de sistendo in Judicio idoneè cavere, datis pignoribus, & fidejussoribus, nisi probet legitimum impedimentum, ut paulo antea dixi. Si post annum compareat, non est audiendus actor,

etsi refundere expensas velit. Ratio est, quia alias frustra eidem concederetur spatum anni, si etiam post illum redire posset. Neque obstat c. actor cit. per quod insinuat, auctorem contumacem ex post facto comparantem audiendum esse, si prius expensas reo solverit, & idoneè caverit de parendo impostorum; nam textus ille aperte loquitur tantum de casu, quo Actor in primo termino non comparuit, non autem de eo, quo tribus editis vocatus, etiam post anni dilatationem sibi datam emansit.

5. Igitur eo usque in contumacia persistente Actore, Judex ad petitionem Rei praesentis, eti si contestata nondum sit, procedere ad recipiendos testes, & audiendas allegationes, & probationes partis praesentis poterit: & siquidem reus probaverit, quod actor nullum jus habeat in re, quam petit, sententia definitiva secundum allegata, & probata ferenda est pro reo: quod ideo statutum est, ne alias actor posset injustè vexare reum, si in ipsis potestare, & arbitrio foret impeditre, ne procederetur adversus fe. Ne tamen hoc casu Judex ultra debitum Actori noceat, ipse partes istius ex officio supplere debet, inquirendo veritatem, citando, vel examinando testes pro causa, & in favorem absensis vocando in subsidium consanguineos, & amicos ejusdem. Ita Jura citata, & alia passim. Aliqua tamen adhuc melius explicanda sunt.

Dixi 1. post oblatum Libellum; tunc 46 enim potest reus actorem cogere ad profundam item, ut patet ex c. causam 3. b. tit. & Auth. qui semel C. quom. Et quand. Jud. Neque obstat, quod nemo invitus agere compellatur, ut habetur toto Tit. C. ut nem. invit. agere Et c. nam hoc intelligendum est de re adhuc integra, & antequam Actor Libellum in judicio dederit, & citatio ad reum venierit.

Dixi 2. si actor non comparuerit, videlicet in termino citatorio. Perinde autem est, si terminus ille sit peremptorius, si non; nam textus c. actor 1. b. tit. in 6. indistinctè loquitur, adeoque de quolibet termino intelligendus est, ut notat Gloss. ibidem V. ad terminum: cum hoc tamen discriminare, ut si una tantum citatio simplex facta sit, solum actor ob contumaciam condemnetur ad expensas, non vero procedi possit ad sententiam, nisi continuauerit contumaciam, sic dictum est.

Dixi 3. eti si litis contestata nondum sit: nam si contestata jam sit lis, actor contumax citari quidem tribus Editis debet, sed annus post elapsum terminum peremptorium non debet eidem concedi. Unde si isto lapsu adhuc absit Actor procedi in causa principali potest usque ad sententiam. Neque necessarium erit exspectare lapsum instantiae usque ad ultimum semestre, prout requirere videtur l. properandum 13. S. Et si 2. C.

2. C. de Judic. quia quoad hoc Lex ista per Novell. 112. c. 3. in princ. correcta est, ut lite contestata, mox liceat ad Edicta citatoria, & disceptationem causae principalis transfire.

47 Dixi 4. ad petitionem Rei presentis; nam, ut nunc. 43, monui, ad contumaciam nunquam proceditur, nisi ad instantiam Adversarij. Estque hoc adeo verum, ut si absens contumaciam à praesente non accusata confiteretur, sententiam contra absensem latam pro nulla habeat Barbos. in l. ad peremptorium 68. ff. de Judic. n. 42. Excipitur, nisi enormis inobedientia, & contemptus requirat, ut coercetur; tunc enim huic coercitioni locus est, nemine prorsus postulante, vel absens contumaciarn incusante, ita ut non defint, qui poenam contumacie ad ultimum usque supplicium posse extendi putent arg. l. relegati 4. & l. capitalium 28. §. in exilibus 13. ff. de paenit. Quæ sententia licet durior videatur, quam ut in praxi sit recipienda, id tamen constat arbitrio Judicis relinqui, qua ratione contumaciam punire velit.

Dixi 5. procedere potest ad recipiendos testes &c. in quo gravius punitur contumacia actoris, quam rei: & merito quidem. 1. Quia major est contumacia actoris, quam rei: hic enim, quando fugit Judicium, facit, quod proprium reorum est; unde etiam rei fugientes appellati sunt l. properandum 13. S. & ff. 2. & §. seq. C. de Judic. Actor vero in termino non comparrens partes actoris non implet; deberet enim agere, & Judicium coepit ad finem perducere. 2. Quia fuga rei non semper arguit eum nocentem esse; nam ob difficultatem probandi innocentiam sepe etiam innocentibus fuggunt: at vero Actor in Judicio non comparrens presumptionem contra se habet; presumitur enim non comparare, vel quia diffusus de Jure suo cognoscit se bonam causam non habere, vel quia videt reum habere paratas suas defensiones, quæ ut pereant, idecirco le absentat. 3. Quia alias favorabiliores rei, quam actores sunt, cum Jura priora sint ad absolendum, quam ad condemnandum.

Dixi 6. siquidem reus probaverit; nam si testibus, aliusque probationibus receptis Judex nondum satis cognoscet, an actor justam, vel injustam causam habeat, absolvetur quidem reus ab observatione Judicij, & impetritione Actoris, non tamen absolute ei adjudicanda causa est, vel dominium rei controversæ: unde eo casu, si actor redeat, & expensas prius reo solvat, actionem ex integro instituire poterit, ut notat Laym. in c. causam 6. b. tit. Neque obstat, quod alijs actore non probante, reus sit absolvens, etiam si hic nihil praestiterit c. fin. v. sane de jurejur. & l. qui accusare 4. C. de edend. nam hoc tantum locum habet, quando uterque est praefens, tam actor, quam reus, & si actor, da-

tis ei dilationibus probatorijs in probatione deficit. Abb. in c. prout 4. b. tit. n. 23. Vivian, in c. causam 3. cod. P. Schmier de Processus Jud. c. 3. n. 43.

Dixi 7. de Jure Civili Actori per triplex Edictum citato, & non comparenti concedi annum; nam de Jure Canonico, & Conuentudinario annale hoc intervallum non obseruantur, ut recte advertunt Abb. in c. causam cit. n. 15. fin. Pirh. hic n. 25. Reiffenst. ibid. n. 86. P. Schmier l. cit. n. 39. arg. c. causam cit. ubi de intervallo hoc nihil exprimitur, & c. dilecti 1. de dilat. ubi infinitatur, Dilationes Judiciales in foro Ecclesiastico non esse cum rigore tenendas: unde in foro isto, lapsu termino tertiae citationis, statim procedi in causa etiam ad sententiam definitivam poterit.

Dub. 2. quomodo procedendum sit contra reum contumacem? 49 si reus personaliter, aut per Edictum citatus ad terminum peremptorium non compareat, multum intereft, spectato præcipue Jure Canonico, an contumacia præcedat contestationem litis, an sequatur. Si præcedat, regulariter Actor immitti ad petitionem suam debet in possessionem bonorum Rei custodiarum causâ, ad sententiam definitivam autem Judex eo casu procedere nequit. Si sequatur, videndum, an liqueat de causa, vel non. Si liqueat de causa, sententia definitiva ferri debet; si non liqueat, regulariter immittitur actor in possessionem veram, ita ut gaudeat deinceps commodis possessoris, reservata tamen reo absenti questione proprietatis. Ita statuitur c. prout 4. b. tit. & docent Vivian. ibid. in Ration. Laym. n. 2. Pax Jordan. l. 14. tit. 13. n. 188. 199. & seqq. Hahn. tom. 5. tr. 3. n. 103. Pirh. hic n. 29. Schamb. n. 6. König n. 29. Sannig c. 2. n. 8. Wief. n. 49.

Dixi 1. personaliter, aut per Edictum citatus: si scilicet inveniri reus citandus nequeat; tunc enim sufficit, si Edictum citationis affligatur in publicis valvis Ecclesiæ, vel Curia, vel ad domum illius, ubi solitus est, vel tenerit habitare. c. fin. b. tit. & notat Vivian. ibid. Ratio est; quia etiam sic præsumitur citationem venire posse ad rei notitiam.

Dixi 2. spectato præcipue Jure Canonico: nam et si omnes conveniant, in personali actione missum in possessionem ex primo Decreto non effici verum possessorem, sed custodem tantum, quoad immisionem tamen in actione reali ex eodem Decreto diffensio est inter Legistas, & Canonistas. Secundum Legistas, & Jura Civilia, si in actione reali actor mittatur in possessionem rei ex primo Decreto, statim efficitur verus possessor, ut probari videtur ex l. quis 9. §. sed & 3. C. de prescript. 30. vel 40. ann. sed revocabiliter; quia reus comparrens intra annum eam recuperat. At secundum Canonistas, & Jus Canonicum actor mis-

missus in possessionem ex primo Decreto propriè dicitur immisus custodiae causâ. Vid. Tit. seq. n. 18. & seqq.

50 Dixi 3. si contumacia precedat contestationem litis, actorem mittendum in possessionem bonorum Rei custodiae causâ, non tamen procedendum ad sententiam definitivam. Et quidem quod ad sententiam definitivam procedi nequeat, patet ex dictis supra. Tit. 6. per totum. Quod vero Actor ad petitionem suam in possessionem bonorum Rei custodiae causâ immitti debeat, statuiturum Tit. cit. tum præsente, & subsequente. Ubi tamen distinguendum inter eum, qui intra annum comparet in Judicio, & inter eum, qui ne quidem post annum comparet; nam si intra annum comparuerit reus in Judicio, recuperabit possessionem, & admittetur ad defensionem, refusis tamen expensis; & data cautione juratoria saltem de parendo Juri c. adhuc 1. b. tit. & ibi Gloss. V. non periclitatur: quod tamen Juramentum non impedit, quin possit ex causa justa appellare; nam intelligi Juramentum hoc debet, quatenus de Jure obligatur obtemperare, adeoque ad justam appellationem se non extendit. At si post annum non comparuerit, actor efficietur verus possessio, idque ne contumax sit melioris conditionis, quam obediens. Procediturque hoc etiam casu, quo jussus mitti in possessionem bonorum custodiae causâ ab Adversario per vim, vel per dolum impeditur, quo minus consequatur possessionem sibi ita adjudicatam; quia fictione Juris périnde habentur, acsi realiter immisus in possessionem fuisset c. adhuc cit. & l. quanvis 13. ff. de bon. auth. Judic. possid. junct. Gloss. ibid. V. périnde habentur.

51 Dixi 4. Si contumacia sequatur contestationem litis, & liqueat de causa, ferendam sententiam definitivam: videlicet aut pro Actore, si hic intentionem suam probaverit, aut pro reo; quia absentia Rei contumacia Dei præsentia suppletur l. properandum 13. S. si autem 6. C. de Judic. & l. & post editum 73. ff. eod. ubi dicitur bonam causam absenti triumphare debeere; ob solam enim contumaciam reus, auctore non probante, causâ cader non debet, ut multis cit. docet Gaill. l. 1. olsf. 60. n. 7. Condemnabitur tamen, ut idem Gaill. n. 9. advertit, reus victor ad expensas, idque in penam contumacia. l. properandum cit. S. & siquidem, & Aut. qui semel C. quom. & quand. Judic. &c. Preterea circa sententiam ferendam in contumaciam duo sunt advertenda. Primum est, quod procedat solùm, cum reus non comparet post lapsum terminum citationis peremptoria; nam si semel tantum citatus simplici quadam citatione non veniat, eti propter inobedientiam puniri, & condemnari ad expensas solvendas posse, ulterius tamen ad immisionem in bona ejusdem, vel

sententiam ferendam procedi non potest, nisi forte ob notoriam contumaciam, quando nuntio citanti dicit se non venturum, de quo paulò postea n. 55.

Alterum est, quod sententia, quæ hoc casu in materia Beneficiali lata est, non transfeat in rem judicatam quoad Superiorē; hic enim etiam post illam de partium Juribus potest inquirerē, & cognoscere, prout sumitur ex c. cum olim 7. b. tit. Rationem dat Vivian. ibid. in ration. quia Superioris auctoritas non debet per aliquam actionem subditorum impediri, ne ei legem imponere videantur c. veniens 8. de transact. & quoniam ad Superiorē pertinet invigilare, ut à suis subditis peccata evitentur c. perniciosa 1. de offic. Ord. & Beneficium Ecclesiasticum sine Canonica institutione licite obtineri non potest Reg. 1. in 6. Estque hoc maximè verum, quando sententia lata est contra absensem, licet contumaciter, indefensum tamen, nam tuic magis periculum vertitur, ne pars vincens absque canonica institutione obtineat Beneficium. At ubi magis periculum est, cautiū est agendum c. ubi 3. de elec. in 6.

52 Dixi 5. si non liqueat, mittendum atq. rem in possessionem veram bonorum Rei. Severius igitur proceditur cum reo, qui post litem contestatam contumax est, quam qui ante contestationem litis; nam illius major est contumacia, quam hujus. Non autem procedi tunc regulariter potest ad sententiam definitivam; & ratio est, quia Judex non potest ferre sententiam ex re, quam non cognovit sufficienter. Et confirmatur: nam si ferri sententia eo casu posset, ferretur vel in actorem præsentem, quod nondum probaverit intentionem suam, vel in reum absensem, quod contumaciter non compareat: non in actorem; quia cum nondum fuerint eidem assignata omnes Juridice dilatationes ad probandum, non potest dici, quod ipse desecret in probationibus non in reum; quia ob solam contumaciam, ut n. prec. dixi, causâ non debet cadere. Sufficiet ergo, ut auctore eo casu mittatur in possessionem bonorum Rei, non custodiae causâ, ut sit, cum ante contestationem litis est contumax, sed in possessionem veram, ut sic major culpa majori plectatur pena. Semper tamen reservatur reo questio proprietatis.

53 Dixi 6. Regulariter faciendam banc missiōnem in bona Rei; nam plures sunt casus, in quibus missio haec in bona fieri vel non debet, vel non potest. Talis est 1. si reus bona non habeat, in qua mitti auctore posse; tunc enim Auctore petere potest, ut reus contumax citeretur realiter, arrestetur, vel excommunicetur c. adhuc 1. ut lit. non contest. Quoad Excommunicationem tamen hodie servanda est Constitutio Trid. sess. 25. c. 3. de reform. ut sc. tum denum ad eam deveniatur, si alijs remedij locus esse

esse nequeat, cum experientia doceat, si temere incutiat, magis contemni, quam formidari. Opus igitur erit, ut in hoc magna discretione procedat Judex. 2. Si consideratis circumstantijs Judex melius esse judicet actorem non mitti in possessionem rei petita, sed eam sequestrari c. ex litteris 2. b. tit. Ratio est, quia in Judicis facultate est mitius, vel durius adversus contumaciam procedere, secundum quod viderit propter circumstantias tunc existentes magis expedire. Sequestrum tamen hoc solum durabit, quamdiu duraverit contumacia, qua deposita cessare debet, prout colligitur ex c. cit. ubi sequestratio Ecclesiarum facta est, ut Canonici tedium affecti stare in Judicio, & respondere cogerentur: quæ ratio cessar, si reus velit purgare contumaciari, & in Judicio respondere.

3. Si actor immisionem in bona Rei non petierit; nam, ut n. 43. dixi, adversus contumaciam Judex ex officio non procedit regulariter ad actum aliquem, nisi ad instantiam actoris. Et hoc verum est etiam post contestatam item; nam ibi si reus sit contumax, datur electio actoris, an aliquo ex recensitis remedij uti vellet, vel potius causa sua confidens in ipso negotio principaliter procedere, testes, & instrumenta producere, & sententiam definitivam petere. Imò etiam variare, in hac sua petitione Actor potest, ita ut si semel elegit in causa principaliter procedere, mutare mentem possit, & immisionem in bona, vel citationem realem petere, ut notat Gaill. l. 1. obs. 60. n. 4. ubi ait esse sententiam in Camera Imperiali receptam. Proceditur hoc non tantum, quando res ingressa est, sed etiam si jam in negotio processum sit. Ratio est, quia remedia hæc actori alternativè dantur. Et confirmatur ex Tit. 12. ubi n. 69. dixi, Actorem, qui semel intentavit Peccatum, hoc omisso, posse instituere Possessorum.

Igitur multo magis, omisso, questione principali, poterit petere immisionem in bona, aut citationem realem, aut excommunicationem. Habet hoc maximum locum, quando ob absentiam Rei, & quod ejus responsiones desiderentur, de causa principali satis liquere non potest.

Quaritur 3. quibus modis puniri, & coërceri Contumacia Rei possit? 4. vinti quatuor omnino diversas penas contumacia Rei non comparent enumerat Marant. de Ord. Judic. p. 6. tit. de contumac. à n. 9. alias referam: ceteræ apud ipsum videri possunt. Igitur 1. contumax ob obedientiam potest multari arbitrari quidem poenam, nunquam tamen usque ad amissionem cauſæ, vel confiscationem omnium bonorum, nisi delictum sit extraordinariè gravè l. ex quacunque 2. S. si quis 1. ff. si quis in jus vocatus non ierit Sc. 2. Patitur immisionem actoris in bona sua ex primo Decreto custodiae primùm causâ, & si perseve-

ret in contumacia, ex secundo Decreto in possessionem veram, ut n. 49. 50. & 52. dixi, & dicetur explicatiū Tit. seq. 3. Non auditur, nisi refectis expensis c. cum dilecti 6. b. tit. vel si non sit solvendo, aliter ex arbitrio Judicis satisfecerit c. finem litibus 5. eod. 4. Potest capi, & incarcerari, vel alio modo ad Judicium invitus trahi l. consentaneum 8. C. quom. & quand. Judex &c. 5. Potest excommunicari c. tue 3. ut lit. non contes. 6. Potest procedi adversus ipsum ad capienda pignora l. temporibus 1. S. quid ergo 3. ff. de inficiend. ventr. & custod. part. 7. Aliquando punitur sequestratione, ut patet ex n. præc. & toto Tit. 17. infra. 8. Perdit beneficium appellandi l. ex consensu 23. S. fin. ff. de appellat. & relation. & ibi Gloss. Bartol. cæterique Interpretes. 9. Habetur pro præsente in suum præjudicium Auth. qua in Provincia S. eo autem C. ubi de crim. ag. oport. 10. Habetur pro confessio, secundum quod ei magis est præjudicium l. de atate 11. S. qui tacuit 4. ff. de interrog. in Jur. faciendo.

Dub. 1. quæ circa has penas sunt 55 advertenda? 2. 1. non debet, nec potest regulariter Judex procedere contra contumaciam, nisi ad instantiam partis in Judicio comparentis; quia poena istæ potissimum cedunt ad privatum istius commodum, non debet autem Judex ad privatum commodum interponere officium suum, nisi requiratur à partibus. 2. Antequam multa, Excommunicatio, vel alia poena feratur in contumaciam, citari debet ad excusandum se; quia impeditus venire in termino non est contumax. Passerin. in c. 1. b. tit. in 6. n. 8. 3. Licet contumax non tantum reum, sed etiam Judicem, & Remp. offendat, nihilominus, ubi neuter comparet, & sic quantum ad interest partium contumacia unius compensatur contumacia alterius, postquam jam partis non interest, nec Reip. debetur multa. Passerin. l. cit. n. 16. 4. Poena contumacia ad hæredem, vel successorem, etiam singularem, non transit; quia ex delicto debetur, cuius obligationes sunt personales: hinc ob defuncti contumaciam hæredi, & ob venditoris, vel donatoris emptori, vel donatario audiencia in Judicio deneganda non est. Sabell. summ. S. Contumacia n. 14. & alij apud ipsum. 5. Etsi nec minor contumax audiatur in Judicio, nisi refectis expensis, tamen si has refecerit, ut aures Judicis illi pateant, & causâ cognitâ appareat laesus, illas repetit. Sabell. l. cit. n. 4. quod nonnulli extendunt etiam ad mulierem, & rusticum.

Dub. 5. quomodo, & quando Reo 56 contumaci negetur Appellatio? 6. differentiam esse faciendam inter verè, & ficti, seu præsumptivè solum contumaciam. Qui fictè solum, & præsumptivè est contumax, si contra eum (uti potest) sententia feratur in

in contumaciam , intra decendum à die no-
tæ sententiaz latæ appellare potest , vel in in-
tegrum restitutionem petere c. cùm Berthol-
dus 18. & ibi Abb. n. 18. de sent. & rejudic.
Verè autem contumax , licet secundum aliquos
restitu in integrum (si legitimum impedi-
mentum ex post facto debito modo pro-
baverit) poshit , appellare tamen non permit-
titur l. ejus 1. C. quor. appell. non recip. Gaill. l.
1. obf. 132. n. 6. Belold. de Proces. Judic. c.
5. in fin. Indò nec supplicare potest Principi
pro revisione causæ Sabell. §. contumacian. 9.
Contrarium tamen observatur de Stylo Ro-
tæ, in qua ad appellandum admittitur etiam
verus contumax , ut Sabell. l. cit. notat , &
p. 2. Decis. 396. noviss. à se allegata confirmat.

¹⁷ Dub. 3. quando adversus Prælatum
criminosum in contumaciam procedi posfit?
n. triplicem viam esse , quā adversus talem
procedi potest. 1. Per modum accusationis:
& tunc opus est, ut prius oblatus sit ab acto-
re Libellus , & lis utrimque sit contestata ;

aliás , et si contumax reus sit, ad sententiam
ferendam procedi nequit. 2. Extraordinariè
per viam Inquisitionis , ex mero , & puro officio
Judicis , præcedente publica infamia ci-
tati : ex eo casu nec Libellus offerri , nec
litis contestatio fieri debet , sed statim , si cit-
atus contumax sit, receptis testibus , sententia
condemnatoria ferri debet. 3. Per viam de-
muntiationis , ita ut adsit denuntiator aliquis,
seu promotor Judicialis inquisitionis facien-
dæ , qui suo , vel aliorum nomine petat in-
quiri in Prælatum ad ejus depositionem , seu
amotionem ab administratione in spirituali-
bus , & temporalibus , ne ulterius Ecclesiæ
obsit : quo casu si illè post legitimam citatio-
nem non compareat , sed contumaciter se ab-
senter , contra eundem , etiam lite non con-
testata , receptis prius testibus , & habitis
sufficientibus probationibus , ne ob contu-
maciam contingat delictorum impunitas , de-
finitiva sententia condemnatoria ferri potest,
ut cum alijs notat Laym. in c. 8. b. tit. n. 8.

TITULUS XV.

De eo, qui mittitur in Possessionem causâ rei servandæ.

Dixi Tit. prec. à n. 49. Actorem ,
quando reus sine justa causa con-
tumaciter abest , mitti in posses-
sionem bonorum Rei. Hec non
minima contumaciaz poena est ,
cùm nihil ferè hominibus majorem dolorem
incuriat , quā si bona à majoribus per
 manus accepta ab extraneis videant occupari.
Ideo statuta à Jure est , ut Actoris intentio

non frustretur , & reus toedio talis missionis
affectus , accedat responsurus : hinc etiam
Tædialis dicitur. Duplex est ejusmodi Mi-
ssio , ea videlicet , quā fit ex primo Decreto , &
ea , quā ex secundo. De utraque hoc Titu-
lo agitur , licet in Rubrica Tituli tantum fiat
mentio de prima : ut proinde in præsenti tra-
tatione Nigrum sit generalius rubro , prout
etiam alias fæpe contingit.

§. I.

De Missione in Possessionem ex Primo Decreto.

SUMMARIUM.

1. Missio ex primo Decreto quid?
2. 3. Recl. decernitur.
4. 5. Fit à Judice habente mixtum Imperium.
6. Contra ream absentem.
7. Adminicula huic concessa à Jure.
8. 9. 10. Modus mittendi in possessionem.
11. Discremen missionis in actione personali ab
ea , que fit in reali.
12. Locum habet in omni actione , nisi illam aut
actionis , aut rei natura excludat.

IUxerit 1. quid intelligatur per
primum Decretum ? ^{12.} intelligitur sententia interlocutoria
Judicis , quā ob contumaciam Rei
Actor in bona illius custodiae cau-
sā mittitur , ut illa pignoris vice teneat , do-
nec reus veniat responsurus. Sumitur
ex c. constitutis 1. b. tit. & notat Gonz. in c.
3. ut lit. non contest. n. 12. Pax Jordan. l. 14.

13. 14. 15. Exceptiones.
16. 17. Requisita ad missiones ex primo Dec-
reto.
18. 19. 20. Ita missus non fit verus possessio-
21. Triplex Exceptio.
22. 23. Effectus missionis ex primo Decreto.
24. Locus eius aliquando etiam casu , quo lite
non contestata deveniri ad sententiam de-
finitivam potest.

tit. 13. n. 210. Barb. in c. 1. cit. n. 2. Engl. hic n.
1. Pirk. n. 1. Schamb. n. 3. Sannig c. 1. n. 2. &
novissimè P. Schmier Proc. Judic. c. 3. n. 50.
Usus ejusdem est in Judicij Statuum Im-
perij , ubi Jus commune viget : in Summis
ejusdem Tribunalibus tam primum , quā
secundum Decretum in totum abolita esse
cum Klockio , Rodingherio & alijs ex Re-
cessu Imperij de Anno 1654. §. wurde hier-
auf